

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE URBANISMO, VIVENDA, INFRAESTRUTURAS, PARQUES E XARDÍNS E MEDIO AMBIENTE O DÍA 22 DE NOVEMBRO DE 2013 ÁS 13:15 HORAS.

Sendo as trece horas e quince minutos (13:15) do día 22 de novembro de 2013, reúnese en sesión ordinaria convocada ao efecto a Comisión Informativa Permanente de Urbanismo, Vivenda, Infraestruturas, Parques e Xardíns e Medio Ambiente, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal popular
Santiago V. Amor Barreiro

Grupo municipal socialista
José Manuel Miñones Conde
Isabel González Cancela

Concelleiras/os non adscritas/os
M^a Pilar Candocia Pita
Ramón García Argibay
Emilio Martínez Carballeira

Presidente: Alfredo Taboada Alvelo

Secretaria : Rosa Ana Prada Queipo

Asiste o **interventor** José Antonio Rueda de Valenzuela.

ORDE DO DÍA:

Punto primeiro.- Aprobación, se procede, de actas anteriores.

Por unanimidade dos membros presentes se presta aprobación á acta de 25 de outubro de 2013.

Punto segundo.- Declaración de deserta da licitación do servizo público “Ciclo integral da auga” do Concello de Ames.

O presidente da Comisión expón sucintamente que a licitación do servizo público “Ciclo integral da auga” quedou deserta e agora vaise tomar ese acordo.

Intervén **Pilar Candocia Pita** para solicitar que se lles proporcionen as preguntas que fixeron as empresas, as alegacións e toda a documentación ao respecto. Tamén pregunta acerca dos motivos para que isto ocorrera e se non se saben certos, que é o que intúe o Concello que puido pasar.

Intervén **Ramón García Argibay** para solicitar copia da documentación nova que haxa ao respecto.

Intervén **José Miñones Conde** para solicitar o mesmo e para preguntar se agora se ten que prorrogar, ao que contesta a **secretaria** dicindo que se continúa coa prórroga ata que non se saque nova licitación, cree que como máximo ata un ano.

Toma a palabra novamente **José Miñones Conde** para preguntar que supón a prórroga economicamente ao mes.

Tras un breve cambio de impresións, o asunto é ditaminado favorablemente por maioría simple, cos votos a favor dos membros do grupo municipal popular e a abstención do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás trece horas e vinte e cinco minutos do día de referencia de todo o que eu como secretaria certifico.